



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10) Skupština Brčko distrikta BiH, na 27. redovnoj sjednici održanoj 22. juna 2022. godine, usvaja

ZAKON
O IZMJENAMA I DOPUNAMA ZAKONA O PLATAMA I DRUGIM NAKNADAMA SUDIJA I
TUŽILACA U BRČKO DISTRIKTU BiH

Član 1

U Zakonu o platama i drugim naknadama sudija i tužilaca u Brčko distrikta BiH – prečišćeni tekst (Službeni glasnik Brčko distrikta BiH, broj 17/22), član 1 mijenja se i glasi:

“Član 1
(Predmet)

- (1) Ovim zakonom regulišu se plate, naknade i određena prava sudija i tužilaca u Brčko distriktu Bosne i Hercegovine.
- (2) Sudiji i tužiocu utvrđuje se osnovna plata na mjesečnom nivou.
- (3) Visina osnovne plate utvrđuje se ovim zakonom.
- (4) Plata zaposlenog se sastoji od osnovne plate ili naknade plate i uvećanja plate po osnovu dodatka na platu.
- (5) Bruto plata je plata iz stava 4 ovog člana uvećana za obavezne doprinose.
- (6) U svim elementima koji čine platu iz stava 4 ovog člana sadržan je porez na dohodak.
- (7) Naknada za pripravnost, dežurstvo, prekovremeni rad, rad u neradne dane, noćni rad, rad u dane državnih praznika i za godišnji odmor obračunava se i isplaćuje kao dodatak na platu.”

Član 2

U članu 4 broj i oznaka: “0,5%” zamjenjuju se brojem i oznakom: “0,3%”.

Član 3

U članu 5 stavovima 1 i 2 broj i slova: “1.200,00 KM” zamjenjuju se brojem i slovima: “1.600,00 KM”.

Član 4

U članu 12a mijenja se naziv člana i glasi:

“Član 12a
(Jednokratna novčana pomoć)”.

Član 5

U članu 12b mijenja se naziv člana i glasi:

“Član 12b
(Naknada troškova za slučaj smrti)”.

Član 6

U članu 13a stav 1 mijenja se i glasi:

“Ishranu (topli obrok) za jedan radni dan za puno radno vrijeme, kao i za prekovremeni rad duži od tri sata u toku jednog radnog dana u iznosu od 5,00 KM (pet konvertibilnih maraka) za vrijeme provedeno na radu.“.

Član 7

Ovaj zakon stupa na snagu osmog dana od dana objavljivanja u Službenom glasniku Brčko distrikta BiH, a primjenjuje se od 01. 07. 2022. godine.

Broj: 01-02-2944/22
Brčko, 22. 6. 2022. godine

PREDSJEDNIK
SKUPŠTINE BRČKO DISTRIKTA BIH
Mr. sci. Siniša Milić